



Notat

Dato: 06.10.2017
Arkivsak: 2017/3716-3
Saksbehandlar: arnasan

Til: Fylkeseldrerådet

Frå: Fylkestannlegen i Hordaland

Tannhelsetenesta i Hordaland - uttale frå fylkestannlegen

Fylkestannlegen viser til notat datert 26.04.2017 – uttale om tannhelse frå fylkeseldrerådet.

Fylkestannlegen må forholde seg til dei lovane og forskriftene som er vedtekte av Stortinget. Den loven som nå regulerer tannhelsetilbodet er lov om tannhelseteneste frå 1983. Grunnleggande lovendringar som t d at tannhelsetenester skal samordnast med helsetenester elles må ev utarbeidast av Helse- og omsorgsdepartementet og vedtas av Stortinget.

Tannhelsetenesta i Hordaland har i 2017 fem tannklinikkar på institusjon – eller i same bygget som ein institusjon. Det er ikkje på nåverande tidspunkt planar om å endra dette.

Mobil tannklinikk har vore grundig vurdert tidlegare. Det blei då konkludert med at mobil tannklinikk har så mange ulemper at det ikkje var aktuelt å ta ei slik løysing i bruk i Hordaland. Innvendingane mot mobil tannklinikk er i hovudsak:

- Vanskår med å tilfredstilla krav til hygiene på tannklinikken
- Umulig å tilfredstilla krav til universell utforming av tannklinikken
- Store kostnader til innkjøp og drift – det må mellom anna tilsettast sjåfør til å køyra lastebilen

Fylkestannlegen veit at andre fylkeskommunar har også vurdert bruk av mobil tannklinikk, og har kome til same konklusjon.